


光緒增修登州府志(一)



(清)

(清)

方汝翼  
賈瑚  
周悅讓  
慕榮榦

纂修

本書六十九卷首一卷，據清光緒七年（一八八二）刻本影印。

登州新志序

脩志之難昔人論之詳矣其疆邑之沿革地利之廢興民俗之轉移吏治之隆弛與否名宦鄉賢忠孝節義時人軼事之可傳者不詳則事不該而過詳則傷其不簡則要而不舉而太簡則傷其不舉

序

一

乎大則見以為不勸小物忽羸豕地重牛而細故毛舉則謂之不知類至於湮遠之事或傳之而近近不傳即去羊而亡禮正不獨文之不酌諸古不通於用為足見秉筆之匪易也然人每謂創為難因非難不知因而至於是可因且能

以所因善所創則因之難有更倍於創者登州縣志迄今百三十年至因之者矣縱使志切情明毅然有遠近旁搜崇教維風之雅意而周諮僚佐既未必盡留心文獻即彼都人士向有得前人手錄者一二編亦祇抱殘守闕

序

二

而不免魯魚亥豕之訛於茲續纂成帙以任今而傳後也不禁難哉結果賈居微雅由侍御出守是邦脩舉百廢亟起而力任之訪遺闕羅故實殫心百三十年事蹟於舊志不復斟酌損益多所刊刪三閱載而拓成額曰登

州新志予以休披讀見生文省而事  
瑣且於表彰中寓善善惡惡之意  
誠有与宗子象之新唐書歐陽永叔  
之新五代史先因撰者不無謂然曰  
脩志難脩聖志尤難惟茲進太守獨  
任其難迺成此難能可貴之舉予

序

三

於難贊一詞之際妄綴數言願少之  
守斯土者毋畏難而苟安尔

光緒七年嘉平堂分守登萊青兵備道  
東海國監猪樊輿方汝翼序并書



登州新志序

論著之文創作為難因事為易於因  
之而必有所損益則裁成釐定擬諸創  
作不得收事半之功昔者先聖以春秋為  
春秋筆削惟嚴群賢不能贊一辭  
今不脩春秋之文徒猶見於三傳率詞

序

一

以揆其方視聖經所載筆誠不登泰  
山不食于陵波之菰荊者矣後世有述雖  
無敢望塵於先聖而如宋子京之新五代史  
書事增而文減歐陽永叔之新五代史  
有善善惡惡之意皆自謂突過前  
人於至今 四庫書目劉氏薛氏之書

亦後並著於錄蓋損益之難如此登州  
有志屬矣據其序言草創於愚山討  
論於亭林於按所編次數其剗制似非  
二公雅意之所存也至後政七任公續之  
因而無所損益又其後石安永公因之而  
惟益以新設二縣以迄於今百有三十年

序

二

所並無後有因之者矣今余來斯爰究  
爰度架閣塵封斷爛不屬並守尹之姓  
名其不存者十七八即以問吏莫知所對  
欲求其遺事而當時故老皆無在者  
則前此守土諸君有不得不任其責者  
矣余甚懼焉夫今不圖後後何親愾余

寤歎是余之責也夫是余之責也夫惟新是  
圖周咨十部牧今禮羅郡地鄉人士君子  
旁搜遠紹商榷損益始於光緒己卯五  
月之朔迄於辛巳冬季脩飾潤色凡若  
千卷勒為新編雖不盡因施顧之舊亦  
庶不戾於子京永牀之遺意也乎嘗謂

序

三

郡縣之志守土者固無以辭其責於吏  
後遠方來於茲土素無雅故惟鄉人士  
君子有篤念桑梓論著於錄者而後長  
吏有所因以藉手昔者先聖言夏殷之  
禮而愾歎於杞宋文獻之不足徵良有以  
也茲瀏覽所屬舊志多因此以成書者

章矣今茲之役求之不少概見何歟夫留心文獻未可以責於俗吏而能以論著成書有資文獻者亦未可以望於俗人彼其人已雅意著述矣類不樂與俗吏為周旋使出其所著投諸吏手鮮有不按劄以相晒者此其秘而不出也

序

四

固於予無是恠合余為出役竊不敢自儕於末俗矣乃亦求之而不出豈郡地諸牧全稱有未能免俗者乎抑亦諸君子懲於曩之按劄遂病於獻玉者主再則乎否則留意於文獻者寡而無遠此昔日人士之盛也乎余甚感焉

伏願自今以往長民者皆不以俗吏自為而鄉人士君子亦有以樹文獻之望無使郡邑故事至於額敗不可收拾焉將繼今而為茲役者得目以為損益庶幾事易以藏而大有裨於今茲之所不逮者矣則余今茲之役其即可以為前

序

五

車之鑒矣夫

光緒七年仲冬望日知登州府事翠岩賈瑚撰并書



原序

郡邑之志與國史相表裏書契以前尚已禹治水行九州始志山川土田物產爲禹貢其不具者見山海經或曰山海經非伯益作志怪者之所託也卒傳其書不廢周禮職方氏掌天下山川圖籍小史掌邦國之志外史掌四方之志其法寢備楚左史倚相能讀九邱之書列國名卿或多未見漢唐迄今書籍日繁乃有圖經輿地考及一統志諸書而郡縣亦各有志所以載山川稽戶口考政治得失人物高下而諗誦

增修登州府志

原序

一

俗之貞淫也其法與史近顧其事不隸乎史官書不獻乎天子作且修者幸皆其郡國之人或務塗飾相夸耀摺拾蕪穢爲薦紳先生所難言志之法於是大壞去史益遠夫天下之地之事之人物其得聞於史官者鮮矣史官聞而能筆於書者鮮矣以一郡國之地之事之人物散見諸書而能貫穿於尺幅辨晰於俄頃者抑又鮮矣然則志雖與史遠其不可不存焉一也登州東極於海古萊牟國春秋之末爲齊東鄙風濤洶湧島嶼參錯遼左朝鮮諸海舶乘迅風千里

不移時至至或掠殺得志輒屬去其地瘠而民貧貧則無固志多掠殺則難生聚登用是彫敝明末數十年變故屢作軍旅頻仍爰設御史中丞爲防撫而其勢潰決不可收拾肝腦塗地燃指析骸余嘗聞父老言兵燹諸遺事未嘗不歎息出涕也其間貞臣勇將義士烈女之駢死湮沒者可勝道哉天下之地不足恃恃乎其人劉寵太史慈登產也以清節烈行著於漢季後世過其里者有餘慕焉蘇軾知登州不旬日而條議鹽樞所言皆利民至今祀之然則人材吏治

增修登州府志

原序

二

固非地所能限也登固有志燧於兵自泰昌至今闕遺且四十年司理王君購得寫本余深思放失屬王君及郡守楊李二君先後網羅分任其地之賢者及期以書來屬草雖完攷訂未具適吳門顧甯人爲蒐閱校讐又三月而成今郡守徐君司理彭君始鳩工授梓成一郡文獻條目備矣其事變本末或缺有閒焉豈其闕疑耶君子觀於其書可以論其世矣卽其地其事其人物考政治而稽諠俗亦可得其槩矣若夫蓬萊三島蜃樓海市之觀神仙恍惚恠幻此固騷

人達士之遊目騁心臨風自得者非志所能盡也順治庚子春正月提督山東通省學政按察司僉事江左施閭章撰

善爲治者在審其急而先圖焉能裨軍國則爲之能益民生則爲之郡志之纂其亦不急之務宜在所緩乎顧余洩登踰月輒詢舊志知爲兵燹湮燬前此諸臺及府若縣固常從事而未就緒夫郡志非所以裨益軍國民生曷爲諸臺及前之府若縣咸汲汲謀之適與余心合也今天下東西南朔聲教敷施一統之

增修登州府志

原序

三

業視古尤盛獨是鯨波未靖來往憧憧尙塵

當亡之宵旰登州一郡三面洪濤屏翰

京師控引遼左扼東南衝突之要乃分土僅六百餘里而緣海之地自嶠岬島口迤東至成山折而南至嘉鷄汪又折而西至東良海口環抱紆迴其閒衛所壑堡綦布星羅者二百有奇計其里道一千二百有奇夫以區區之郡當彫瘵之餘非有富民足與保聚非有重兵足與防守非有高山深谿足與憑負乃可虞者若彼不可恃者若此使不勒成一書俾當事有

所取鑑不幾以地僻東隅無關要害而陰雨綢繆且置弗問也今試披攬圖籍極衝次衝應守者幾何登之兵弁足供捍禦否里甲保甲編戶者幾何登之生齒足供徭役否中地下地荒蕪者幾何登之占籍足供墾闢否存留積貯倉庫之蓄幾何脫遇緩急足備不虞否樓櫓斥堠修葺之費幾何脫遇頽圯有所取給否餽饒兵戈多厯年所甫離瘡痍雖勤撫字能遽復舊觀否且也島嶼不可無屯守郡邑不可無防衛援昔証今可因循苟簡否使當事者一深計之則兵

增修登州府志

原序

四

在所必增備在所必飭餉在所必儲險隘在所必嚴流亡在所必撫賦役在所必矜饑寒在所必恤於以壯渤澥之金湯章畿甸之藩輔俾

當亡釋宵旰之憂裨益軍國民生孰大於是至若官觀物產風俗文章職官人物諸目亦備列之於以誌盛衰記形勝鑒得失考貞淫成一郡之全書而非諸臺及前之府若縣與余汲汲纂修所尙也會學憲施公編輯既定余遂商之閩屬付諸梓人以備當事者之取鑑云順治庚子秋七月知登州府事蘭陵徐可

先題

志者何志郡邑之迹也迹則何爲乎志迹爲昔之所已然不志之無以鑒前迹爲今之所既然不志之無以啓後故志之也是故星野山海土田之不易沿革戶口風俗之屢更逮乎人物之盛衰吏治之得失典禮之大軼事之細莫不備志故曰志也何續乎續以完乎其志焉爾昔之迹昔志志之然闕而未載載而未詳詳而未核者往往而有則待乎增削今之迹昔志不及志之政令殊昔事例遵今則待乎纂入人情

增修登州府志

原序

五

異趣習俗異尙人材嗣起則待乎補綴而無以增削之纂入之補綴之則志不完故續之續之所以完乎其志也續之矣而不居作者之名一切因仍苟且共人生活則如勿續否則啓款釀浮否則取青媲白記一人而於其人有溢量記一事而於其事有緝旨使後之議今一如今之議昔則何以爲完書故續修之志較始修之志功等而倍難之余不敏來蒞茲土於郡志三致意焉初余筮仕謬讀中秘書未嘗司纂修之事敢自謂有著作才嘗從事芸閣諸君子後竊聞

之作史者矣不虛嫩不隱惡事必徵實意無苛刻甯

直而信無文而僞夫郡邑之志郡邑之史也謂作志而有殊於作史乎哉爰偕郡之賢人君子尊吾所聞而釐定乎舊志詳覈參訂數易稿而事始竣蓋其慎也余用是有感焉登郡海環三面衛所而外州一縣七城在山間環境計里千有數百無規方五十里之平疇農力磽确斥鹵耳故凋敝困疲之形多豐亨豫大之象少蓋登之土瘠登之民貧登之賦繁而徭重是守士所急宜繪圖上告徐策治安者也與煩擾甯

增修登州府志

原序

六

清靜也與操切甯息事也知弊而去之必盡毋狃已成而因循知利而興之必力毋憚易轍而遲迴加意作人則人才日以盛加意綏輯則子遺日以滋加意風尚則民俗日以淳變通宜民與時調劑期於盡善而後已余未之逮也雖然竊有志焉用以自勗且以告後之來蒞茲土者前有以鑒也後有以啓也法戒嚴而師資凜慎勿曰是志也迹焉已爾登郡幸甚是爲序康熙甲戌秋八月知登州府事鄺南任璿題周禮職方氏掌天下之圖辨其邦國都鄙人民與其

財用周知其利害勒爲成書歷代遞與史冊鱗次因革損益按籍可稽我

朝文教覃敷恩施廣被一道同風六服羣辟

聖天子念切民依繪圖

御座運星辰於掌上疇應雨暘列畛域於展開功垂

帶礪康熙甲寅年

詔修大清一統志寶錄輝煌爭光日月掌之太史秘

閣流芳雍正七年

世宗憲皇帝復

增修登州府志

原序

七

詔增修一統志及各省通志煌哉鉅典布之遐邇無

不同軌同文矣凡在州牧侯伯凜遵風化仰沐

鴻休若非簪筆之臣不敢漫爲記載然民風土俗燥

濕隨時疆域官司增除異制膺茲土者漫不經心倘

一旦輶軒策問太史巡風車轍所周郡縣茫無以應

則重負我

皇上勤求民隱之心隕越良深栗栗危懼

泰奉

恩綸調任登郡蒞事三月考閱前志學臣江左施創

於順治庚子郡守任璿續於康熙甲戌雖規模大備

然歷年久遠殘缺頗多登雖僻處海濱而近日之民風土俗隆隆日上所當博採老成遐稽典籍彙輯成編以備

顧問集中條目皆仿前格增闕補遺並續甲戌以後之聞見覽山川形勝凜然有青齊屏翰之思披賦役井疆殷然有靈雨桑田之意攷學校而思作人驗民情而懷保又前人宦績何以克紹芳徽古蹟彫零奚以振興聾聵凡皆守土所有事泰不鄙荒陋公餘之下搜羅成帙分類爲門務期十州邑之雲山風物景

增修登州府志

原序

八

於尺牘之間而億萬姓之悲戚懽愉蒼於几筵之地憶昨歲泰之守辰州也地處苗荒與今之海疆相等泰蒞任後百務未遑亟修郡志前之考訂與今之編輯同一夙興夜寐毋曠厥官之意而如日莫爲之前雖美勿彰莫爲之後雖盛勿傳泰竊凜凜不敢自居於述者矣是爲序乾隆七年歲次壬戌六月望後五日知登州事三韓永泰石安氏題

督修

二品銜分守山東登萊青等處地方整飭海防兼管驛傳水利事務兵備道東海關監督

方汝翼

特用道登州府知府前翰林院編修

賈瑚

監修

登州府海防同知前兵部主事

吳毓麟

同知銜署蓬萊縣知縣現署黃縣知縣

王朝毅

同知銜署蓬萊縣知縣

江瑞采

同知銜署黃縣知縣

秦浩然

同知銜黃縣知縣

吳業豐

增修登州府志

一

同知銜署福山縣知縣

汪麗金

同知銜署棲霞縣知縣

黃麗中

同知銜棲霞縣知縣

許桂芬

知府用招遠縣知縣

張履祥

五品銜署萊陽縣知縣

茅方廉

同知銜署萊陽縣知縣

嚴品鈞

同知銜署寧海州知州

崔嘉桓

運同銜寧海州知州

孫愷元

知州銜候補知縣署寧海州知州

傅淦

五品銜文登縣知縣蘇杰

直隸州用榮成縣知縣孫符乾

同知銜署榮成縣知縣徐立言

同知銜海陽縣知縣王敬勳

知州用署海陽縣知縣程廷杓

五品銜登州府儒學教授王獲

光祿寺署正銜登州府儒學訓導陳官懋

光祿寺署正銜蓬萊縣儒學教諭張繹武

翰林院孔目銜蓬萊縣儒學訓導張還午

增修登州府志

二

黃縣儒學教諭尹肇爽

黃縣儒學訓導高鉷

光祿寺署正銜福山縣儒學教諭劉雲隨

福山縣儒學訓導楊清華

棲霞縣儒學教諭王德馨

光祿寺署正銜棲霞縣儒學訓導于如川

棲霞縣儒學訓導李守坦

招遠縣儒學教諭劉蘊山

招遠縣儒學教諭李傳曾

招遠縣儒學訓導朱符

萊陽縣儒學教諭張夢麟

萊陽縣儒學教諭趙思沅

翰林院孔目銜萊陽縣儒學訓導趙學傳

寧海州儒學學正任廷璽

寧海州儒學訓導胡餘慶

五品銜文登縣儒學教諭兼署訓導馬維楷

光祿寺署正銜榮成縣儒學教諭陳鴻飛

署榮成縣儒學教諭崔贊襄

增修登州府志

三

六品銜海陽縣儒學教諭李芳園

總纂

翰林院庶吉士禮部祠祭司主事候選員外郎周悅讓

翰林院編修記名御史慕榮幹

分纂分校

戶部候補郎中山西司行走王爾植

知府用河南禹州知州宮國勳

揀選知縣沙兆洽

卽用知縣孫殿甲

歲貢生候選訓導吳樂天

拔貢生孫同慶

六品銜增貢生試用訓導劉寅忠

廩生葛梓枏

廩生盧恩紹

採訪

蓬萊縣

歲貢生李丕森

廩生沙肇京

增修登州府志

四

廩生丁維成

增生張煥韶

附生湯志孝

附生倪乃健

黃縣

副貢生內閣中書王守訓

舉人前平陰縣訓導趙瀛海

福山縣

歲貢生候選訓導王鴻燮

附 貢 生 鹿燮長

附 監 生 王啟樾

附 生 安瀾

附 生 王世昕

棲霞縣

候 選 巡 檢 于京溪

湖 南 候 補 巡 檢 郝聯芬

附 生 米芝庭

招遠縣

增修登州府志

五

恩 貢 生 王任遠

康 生 李 然

萊陽縣

舉人同知銜候選知縣署莒州訓導 趙鍾儒

舉 人 沈人桂

貢 生 趙鍾嶸

貢 生 于隆麒

附 生 張勳樞

寧海州

候 選 訓 導 常文澗

康 生 孔廣鏊

康 生 曲日詠

文登縣

知府銜候選同知王沛

康貢生舉保孝廉方正畢世基

監 生 州 同 銜 金聿灝

附 生 呂汝舟

增修登州府志

六

恩 貢 生 洪克明

副 貢 生 胡錫珊

康 生 鞠俊升

增 生 孫膺祖

海陽縣

舉 人 姜式甫

附生五品封翰林院待詔 鞠守忠

六品銜河南儘先補用開官 李爾梅

副 貢 生 于培基

歲

貢

生 王兆騰

增修登州府志

七

增修登州府志凡例

一登州舊志修自康熙甲戌續志修自乾隆壬戌迄今百四十年案牘殘缺各州縣志近時重修者尚可援證如福山萊陽二志歷時既久文獻無徵采訪寥寥挂十一於千百疏漏之譏知不免已

一舊志條目煩碎體裁頗疏此次修志只立八目而以子目分類相從意本之周禮職方

一登州疆域歷代不同今修府志自宜以建府之年爲始明以前事蹟人物足備掌故者皆列於各目

增修登州府志

凡例

一

之首以資考證

一登州分野入危入胃言人人殊今惟就北極出地度數核之又天文與地理相符卽以幅員道里附之於後

一登州僻處海濱歷代沿革舊志多牽混今就正史所紀參以元和志異字記齊乘諸書及各家考訂確實者斟酌列之

一舊志有封建一條按漢時候封就國者少魏晉以降率領虛號今俱不錄

一登州山多而水少古書所紀山名今有不知爲何  
山者各州縣志所紀諸水有云入某縣界而某縣  
并無此水者有今古異名者有舊志相沿而誤者  
皆詳加考核以求其實

一登州原屬海疆島嶼口岸所關甚鉅然大半與陸  
地相連今分列各屬山川之末考海防者可以參  
觀

一舊志所載古蹟甚繁附會既多又往往近在百年  
以內甚且以故家園亭仙釋碑碣強爲附麗尤屬  
**增修登州府志** 九例 二

猥褻今擇其要者皆爲考訂以期傳信其餘或附  
著各條下或徑刪之蓋自明以來皆得謂之古也  
一冠婚喪祭各屬風俗大略相同舊志獨不載祭禮  
疏矣今爲補列以著土風顧禮儀日趨於簡便其  
有昔存今廢者亦備書之以爲餽芋之思又士習  
民業固所宜詳至於歲時瑣屑比閭相沿田家月  
令亦王政所不廢也并附於後

一舊志物產紀及龍芻方竹未免好奇今所紀者必  
其地所產否則不書

一舊志城池并及各衛所今於其存者紀之餘俱附  
其名於軍壘中

一龍亭爲朝賀之地所宜紀也禮儀亦典制所關并  
附於後

一舊志所載公署有其官已裁猶詳列其廢址者今  
俱刪而附著於職官中

一倉廩儲穀皆關民生各項公所皆關治體并附於  
公署後

一學校爲人材始基今於歷代從祀姓氏皆詳列之  
**增修登州府志** 九例 三

以昭慎重至名宦鄉賢忠義孝弟等祠所祀者亦  
備書其名而其事蹟則仍詳職官選舉中

一廟壇祀典綦重凡 頒發祭文諸神封號皆據會  
典及公牘一一詳紀其各家祠宇有官致祭者并  
列附於後

一登州建鎮後營制始定紀軍壘當自建鎮始而舊  
志獨不紀總鎮未免疏略今特補之以著一時規  
制至歷代兵制不同并列於前

一海防水陸并重有水師改歸撫標與陸營分矣紀

之以見今昔異宜

一舊志所紀兵事過於簡略今據諸書所紀及公牘申報者詳列顛末可以覘時變矣

一登州驛傳裁併惟黃縣一僻驛耳而各屬里甲夫馬亦有專條今紀現例以鋪遞附之

一寺觀無足重輕而田閒報賽由來已久又深山幽谷點綴風景亦例所不廢故并列之至各志所紀仙釋多臆其幻化則近於語怪今略識梗概附之寺觀從其類也

增修登州府志

九例

四

一橋梁有裨於民亦政體也今并紀其修造姓氏

一鄉都廩有更易今據公牘書之舊志所載則附注之城鄉坊市并附於後

一戶口爲人丁之易名并紀其人丁總數以誌舊制續登者以光緒年爲額

一地丁徵解留支均照賦役全書以著現例而耗羨亦要款也并附之

一襍稅有定額而釐局則權宜之計今行之已久并附於後

一登州鹽法人有定制或有弗便得良有司爲之變通民甚賴之今將成案附之於後以紀善政

一登州爲海運必徑之路歷代運道皆詳著之其潮信風色亦當事者所宜知也并附於後

一水旱豐饑民命繫焉今特附之食貨之末祥孽事同水旱亦附錄之

一歷代職官多文武兼轄職任不一統列於前固宜卽自明中葉以來設官甚衆今亦列於知府之前榮成海陽未建縣前各巡檢應隸何縣者仍附其

增修登州府志

九例

五

縣以符體制

一登州職官自乾隆初至嘉慶末案牘多缺今博采諸書略紀一二餘則不可考矣

一自明以來有其官已裁而姓氏可考者皆錄之卽其人不可考亦列其官名以備體制

一各官履任年分舊志所載多與各處碑記不符知其錯誤甚多今俱改政其不可知者則仍之

一舊志職官惟書年任而其政績則別爲一條今仿史例各於名下係小傳惟現任各官雖有德政一

概不書

一明時登州武職甚多至國初猶未定制統列於登州鎮前鎮標在登屬者四營水師未改屬時亦舊部也今各紀其官至守備止紀其各汛千把總則詳各州縣志而仍列其官名以備體制登榮水師營并附於後

一明時養兵專屬衛所後始有營將舊志於各衛指揮等官一概不載未免過略今分類紀之登州寧海二衛州縣志皆不載亦細爲考核存其制惟同

增修登州府志

凡例

六

知僉事統名指揮不可考者不能強爲區別皆錄於指揮使內存疑可也其餘四衛各縣志亦不甚詳有可知者亦爲補入

一各衛指揮千戶等官有應武科者選舉中并載其名而仍詳各衛內以昭畫一

一職官選舉中有正史立傳者節其大概其餘亦略載數語以歸簡要

一選舉專紀人材與科名錄不同其已見進士者舉人中卽不復載餘可類推其例貢例監有出仕者

列之文秩否則不錄不勝紀也

一科目中有家於此縣而籍於彼縣者必注其籍其本身寄籍外省者亦錄之若通籍後始移居鄰邑則注明移某處至其子孫雖用原籍亦歸之彼縣重土著也

一各衛附於州縣應舉而其原籍不可沒也必爲注明至廩生有由衛學出貢者此衛廩生有由彼衛出貢者原一時冒濫今知爲何縣何衛人皆歸之本籍

增修登州府志

凡例

七

一明時遼東復州衛亦附登州應試而舊志僅載一人今刪之

一歷代人材并列於前榮成海陽未建縣前仍錄於原屬州縣中其無年分可稽者則仍本縣不敢臆斷也

一捐職必京官入署行走外官分發到省者始錄入其捐銜榮身或已捐職而未經驗看者皆不書如有事實可紀仍附著於後至捐納封贈則詳各州縣志